

Xlimactutu Xcarta Huantu Tzokli San Juan

Nac uumá carta San Juan nā limapacuhuicán cumu lā “kolutzín”, y huá tzokniy chatum cajanjlani huanti huanicán Gayo, litakalhchuhuinán xtalipuhuán caj xpälacata nítlán xtapuhuán chatumlitum huanti huanicán Diótrefes. Umá Diótrefes xlakáya xtascújut xlimasíyut xtachuhuín Dios, pero masqui chuná xlá nipara tzinú xcamasiyuniy xtapáxquit nac xlacatincán cristianos chuná cumu lā xlimasíyut chatum xcanajlaní Cristo. Pero huata lipaxuhuay xlatámat tunujlitum cristiano huanti huanicán Demetrio porque luu tlán lata talichuhuinán amaqolh cristianos huanti talipahuán Dios.

Juan lipaxúhu xakatlilacán Gayo

¹ Aquit amá kolutzín Juan huanti Dios quillilacsacnít nacliscuja, luu cāna lipaxúhu ctzoknimán quincarta huix talipahu quiamigo huanti luu xlicana cpaxquiyán.

² Koxutá huix quintala Gayo, aquit clímaaka-tzankey Dios xlacata pi chuná cumu lā kalhiya lipaxúhu latámat nac milistaci, pus nachuná cakalhi tlán latámat nac mimaci y nitu catzankanín, xahuachí nitu cachipán tajátat. ³ Aquit luu cpaxúhualh acxni taquilachi makapitzín cristianos huanti talipahuán Jesús porque xlacán quintalitakalhchuhuinálh pi huix chunatiyá lata

akstítum lipahuana Quimpuchinacán y lilápat xtalulóktat. ⁴ Aquit tancs ccahuaniyán pi atzinú ckalhiy lanca tapaxuhuán acxní ccatziy pi huánti ccalimacán quincamanán akstítum talilamánalh nac xlatamátcán xtalulóktat Dios.

⁵ Quintala Gayo, aquit cpaxuhuay caj huántu mimpalacata porque lhuhua quintahuaninit lata lácu akstítum caliscújpat y camaktayaya xlihuák huánti talipahuán Cristo, xalihuaca camakta-yaya amákolh huánti alacatúnúj xalanín huánti talakminán. ⁶ Xlacán tamín uú nac quincachi-quincán acxní macxtum cuilanáhu maklhuhuatá talichuhuinán lata lácu calakalhamana y capax-quiya. Pero cumu chú makapitzín talenimachán quincarta aquit cuaniyán xlacata pi lipaxúhu cacalimaktaya huántu natamaclacasquín nac tiji laquí nitú nacatzankaniy chuná cumu la lakatiy Dios nacamaktayayáhu. ⁷ Cumu xlacánaya tzucuníttá talitalakchokoy laqui nataliakchu-huinán huántu Jesucristo quincalimapeksinitán, pus canihuá masqui mákat taquichamánalh y ni talacasquín nacamaktayay amákolh cristianos huánti ni talipahuán Dios. ⁸ Huá xpalacata ccalihuaniyán pi aquinín luu quincamininiyán nacamaktayalenáhu latachá nícu xlacán nataán taliakchuhuinán xtachuhuín y xtalulóktat Dios.

Luu xlicana nitlán xtalacapastacni Diótrefes

⁹ Aquit ctítzokli mactum quincarta huántu cti-camalakachánihl amákolh cristianos huánti tala-kachixcuhuiy Dios y macxtum talilay nac mimpulatamáncán, pero huata Diótrefes ni matlán-tilh huántu aquinín xaccalimapeksimánu, huá

chuná lítláhuahl porque xlá ná luu xapuxcu lítaxtuputún y ní lacasquín átunu nahuaniy huántu xlítláhuat. **10** Huá xpápacata lacatancs ccalihuaniyán pi acxní aquit nacanachá naclihuaniy y nacakastacyahuay porque catuhuá quilhuan-tlahuán huántu ní xlicana quincaliaksaninan-tlahuanán. Y ní caj xmánuá huántu huan sinoque hasta nipara tzinú tamakamaklhtinamputún amákolh natalanín huánti mákat tamina-chá, y makapitzín cristianos huánti tamakamaklhtinamputún nac xchiccán xlá calihuaniy xlacata pi niaj catamakamaklhtinalh, hasta catlakaxtuy huánti takalhakaxmatmakán huántu xlá huan. Poreso clímaluloka pi lixcájnit xtalacapastacni.

11 Huá xpápacata aquit clíhuaniyán, huix nichuná catlahua huántu lixcájnit o huántu niatlán xlá tlahuama, huata caj xmáñ calíscuji huántu tlán. Porque xlíhuák huánti tlahuay huántu lacuán tascújut, pus tamá cristiano huá tapeksiniy Dios, pero huánti huatiyá liscujma huántu niatlán y huántu lixcájnit xlicana pi tamá cristianos niá talakapasa Dios nipara taakataksnít xtalacapastacni.

12 Pero nichuná licatziy Demetrio, porque xlíhuák huánti talipáhuán Dios, chuná cumu lā xta-scújut, stalanca lítasiyuy pi xlicana xlá kalhiy tlán xtalacapastacni y akstítum lama. Nächuná aquinín lipaxúhu clíchuhuinanáhu huántu xlá tlahuama lacuán tascújut y huixinín stalanca catzi-yátit pi xlíhuák huánti cqUILHUAMANÁHU huá xtalulóktat.

Juan cahuaniy tachalí cristianos

¹³ Lhʉhua huántu ctihuaniputunán pero ní luu chuná ccpuhuán caj nactzoknuniyán, ¹⁴ porque clacpuhuán pi nipara makas quilhtamacú naclakanachán laqui mān nactachuhuinanán.

¹⁵ Aquit clacasquín pi Dios camaxquín huántu lipaxúhu latám̄at. Xlihuak miamicos luu caña lipaxúhu taxakatlilacamacchán. Luu catlahuapi lanca l̄itlán, xlihuak l̄ata chatunu quiamicojcán lipaxúhu cacamacatiyapi huántu quillacata.

**Xasasti talacaxlan
New Testament in Totonac, Coyutla (MX:toc:Totonac,
Coyutla)**

copyright © 2006 Wycliffe Bible Translators, Inc.

Language: Totonac, Coyutla

Translation by: Wycliffe Bible Translators, Inc.

Totonaco, Coyutla [toc], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Totonac, Coyutla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
88b96e23-f7a2-5cc8-864a-fdcd6f0686f4